

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 112. stav (3) Poslovnika Skupštine Zeničko-dobojskog kantona - Četvrti prečišćeni tekst (“Službene novine Zeničko-dobojskog kantona”, broj: 5/24), razmatrajući Inicijativu Udruženja “DLAN” Zenica, za pokretanje izmjene i dopune člana 151. Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Zeničko-dobojskog kantona”, broj: 13/07, 13/11, 14/12 – autentično tumačenje, 3/15, 2/16, 3/17 – autentično tumačenje i 16/22), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 22. sjednici, održanoj dana 29.03.2024. godine, d o n o s i

ZAKLJUČAK

I.

Prihvata se Mišljenje Ministarstva za rad, socijalnu politiku i izbjeglice Zeničko-dobojskog kantona broj: 09-02-12809-1/23 od 07.02.2024. godine o Inicijativi Udruženja “DLAN” Zenica za pokretanje izmjene i dopune člana 151. Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Zeničko-dobojskog kantona”, broj: 13/07, 13/11, 14/12 – autentično tumačenje, 3/15, 2/16, 3/17 – autentično tumačenje i 16/22).

II.

Zaključak sa Mišljenjem iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-02-6576/24

Datum, 29.03.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za rad, socijalnu politiku i izbjeglice
1x Stručna služba Skupštine,
1x a/a.



ZENIČKO-DOBOJSKI KANTON
VLADA

n/r Premijera
n/r Sekretara

Broj: 09-02-12809-1/23
Zenica, 07.02.2024. godine

PREDMET: Mišljenje o inicijativi Udruženja „DLAN“ Zenica za pokretanje izmjene i dopune člana 151. Zakona o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona - daje se;

Postupajući u skladu sa aktom Stručne službe Vlade broj: 02-1-02-16312-2/23 od 07.11.2023. godine, kojim se traži dostavljanje mišljenja o Inicijativi Udruženja „DLAN“ Zenica – Kantonalno udruženje roditelja osoba oboljelih od cerebralne paralize i drugih onesposobljenja, pokrenutoj radi izmjene i dopune člana 151. Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Zeničko-dobojskog kantona” broj: 13/07, 13/11, 14/12 – autentično tumačenje, 3/15, 2/16, 3/17 – autentično tumačenje i 16/22), nakon razmatranja predmetne inicijative, Ministarstvo za rad, socijalnu politiku i izbjeglice Zeničko-dobojskog kantona daje sljedeće:

M i š l j e n j e

Predmetnom inicijativom predlaže se izmjena i dopuna člana 151. Zakona koji bi glasio:

„(4) Kanton će podsticati rad kantonalnih udruženja, drugih srodnih udruženja i organizacija socijalnog karaktera.

(5) Kanton će iz budžetskih sredstava na godišnjem nivou finansirati rad kantonalnih udruženja, Servis centara i Koaliciju ZDK“.

Cijenići rad i društveni doprinos Udruženja „Dlan“ Zenica na planu zaštite i unapređenja kvalitete života djece sa teškoćama u razvoju na području Zeničko-dobojskog kantona, Ministarstvo za rad, socijalnu politiku i izbjeglice Zeničko-dobojskog kantona predmetnu inicijativu smatra u ovom momentu neprihvatljivom iz razloga koje dalje obrazlažemo kako slijedi:

Prije svega, napominjemo da Zakon o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona (“Službene novine Zeničko-dobojskog kantona”, broj: 13/07, 13/11, 14/12 – autentično tumačenje, 3/15, 2/16, 3/17 – autentično tumačenje i 16/22 – u daljem tekstu: važeći Zakon), u članu 151. stav (3) navodi se da se iz budžeta Kantona finansiraju ustanove i institucije koje osniva Kanton u funkciji obavljanja

djelatnosti iz okvira ovog zakona, dok u stavu (4) predviđa mogućnost podsticanja rada kantonalnih udruženja, drugih srodnih udruženja i organizacija socijalnog karaktera iz sredstava budžeta Kantona.

Ovo ministarstvo će, u skladu sa naprijed citiranom odredbom, u okviru svojih mogućnosti i raspoloživih finansijskih sredstava, putem javnih poziva, i u narednom periodu podsticati i podržavati rad kantonalnih udruženja.

Međutim, ono što je u kontekstu predložene inicijative značajno spomenuti jeste da je 2022. godine stupio na snagu Zakon o organizacijama i reprezentativnim organizacijama osoba sa invaliditetom i civilnih žrtava rata FBiH („Službene novine Federacije BiH“ broj: 61/22 – u daljem tekstu: novi Zakon), kao propis *lex specialis*, koji između ostalog, definiše postupak i uslove za sticanje statusa organizacije osoba sa invaliditetom kao i način njihovog finansiranja.

Naime, novi Zakon predviđa mogućnost da se udruženja osoba sa invaliditetom i civilnih žrtava rata, koji to žele, registruju kao organizacije osoba sa invaliditetom i organizacije civilnih žrtava rata na način da se organizuju prema vrsti invaliditeta, kako bi što kvalitetnije predstavljali i zastupali interese svojih korisnika.

Donošenje novog Zakona predstavlja značajan iskorak kada je u pitanju uređenje stanja u ovoj oblasti i ono što svakako predstavlja zakonsku novinu jeste činjenica da će pravo na direktno budžetsko finansiranje ostvarivati samo one kantonalne organizacije koje steknu status reprezentativnosti.

Zakon, također, predviđa da će organizacije, koje budu imale najveći broj članova i odgovarajuće rezultate u radu, dobiti status reprezentativnih organizacija na mandat od pet godina, što će svima ostaviti mogućnost da rade i svojim rezultatima steknu uslov da budu reprezentativni.

S druge strane, institucije će u takvim reprezentativnim organizacijama imati jasnog partnera u rješavanju pitanja koja su od značaja za unapređenje položaja osoba sa invaliditetom i kojima će osigurati osnovno finansiranje u svrhu izvršavanja njihovih programskih zadataka.

U vezi navedenog, ono što se prioritetno nameće kao obaveza ovog ministarstva jeste prilagođavanje važećeg Zakona, Zakonu o organizacijama i reprezentativnim organizacijama osoba sa invaliditetom i civilnih žrtava rata FBiH, nakon čega slijedi provođenje procedure za utvrđivanje kako statusa tako i reprezentativnosti organizacija osoba sa invaliditetom na području Zeničko-dobojskog kantona, što će predstavljati polaznu osnovu za ostvarivanje prava na bužetsko finansiranje.

Koristimo ovu priliku da podsjetimo -da sva ona udruženja koja žele steći status reprezentativnog predstavnika osoba sa invaliditetom mogu iskoristiti predviđenu zakonsku mogućnost i postati predstavnici svoje populacije, odnosno partneri Vlade u narednom periodu.

Imajući u vidu sve naprijed navedeno smatramo da je predložena inicijativa, ne cijeneći njenu opravdanost, u ovom momentu neprihvatljiva zbog nastupih zakonskih izmjena koje je nužno u predstojećem periodu realizirati.

Dostavljeno:

1 x Naslovu

1x a/a



Bosna i Hercegovina, Zenica, Kućukovići br. 2
Telefon: 032/460-680; Fax: 032/460-682; e-mail: min.rad@zdk.ba